



FYLKESMANNEN I SOGN OG FJORDANE

Sakshandsamar: Hermund Mjelstad
Telefon: 57643124
E-post: fmsfhm@fylkesmannen.no

Vår dato
24.04.2013
Dykkar dato

Vår referanse
2013/779 - 433.2
Dykkar referanse

Edgar Birger Hatlem
Smilden
6958 SØRBØVÅG

Løyve til produksjon av pyntegrønt, Edgar Birger Hatlem - Hyllestad kommune

Vi viser til søknad motteke her 14.02.13 om produksjon av pyntegrønt.

Bakgrunn

Forskrift om utsetjing av utanlandske treslag vart vedteken i statsråd 25. mai 2012. Føremålet med forskrifta er å hindre utsetjing av utanlandske treslag som kan føre til uheldige følgjer for naturmangfaldet. Forskrifta trådde i kraft frå 1. juli 2012.

Om forskrifta

Forskrifta omfattar både utanlandske treslag til skogbruksføremål og produksjon av juletre og pyntegrønt. Bruk av utanlandske treslag i hagar og parkanlegg vil bli regulert gjennom ei eiga forskrift. Direktoratet for naturforvaltning har delegert ansvaret for den nye forskrifta til Fylkesmannen.

Den nye forskrifta inneber ikkje eit forbod mot utsetjing av utanlandske treslag, men kan opne for løyve etter søknad. Norske treslag treng ikkje løyve.

Forskrifta er heimla i naturmangfaldlova, som har eit eiga kapittel (IV) som regulerer innførsel og utsetjing av framande organismar, og omhandlar også utsetjing av utanlandske treslag.

Søknaden

Edgar Hatlem, Hyllestad kommune, søker om utsetjing av tre for pyntegrøntproduksjon. På eit areal på 50 da skal det plantast ut 15000 tre til saman av *Ilex aquifolium* (kristtorn), *Ilex meserveae* (blåkristtorn), *Corylus avellana* (vrihassel), *Prunus laurocerasus* (laurbærhegg), *Chamaecyparis* (Tuja) og *Taxus baccata* (barlind) i 2013.

I Artsdatabankens publikasjon «Fremmede arter i Norge –med norsk svarteliste 2012» er ikkje alle artane vurdert, og dei som er vurdert er av låg eller ingen risiko. Kristtorn og barlind er norske artar og er av den grunn ikkje risikovurdert. Spreiingspotensial vil normalt vere av mindre interesse då omløpstida er relativt låg. Ingen av dei omsøkte artane er på svartelista.

Vurdering av søknaden etter naturmangfaldlova §§ 8-12

Kunnskapsgrunnlaget § 8

Plantinga av pyntegrønt skjer i hovudsak på innmark og kulturmark/beite. Vi vurderer kunnskapsgrunnlaget til å vere tilstrekkeleg opplyst. Vi kan ikke sjå at utsetjinga i dette tilfellet vil ha uheldige følgjer for naturmangfaldet, jf. nml § 4.

Føre-var-prinsippet § 9

Med dei vilkåra vi set, sjå nedanfor, ligg det ikkje føre risiko for alvorleg eller irreversibel skade på naturmangfaldet slik vi kjenner den kunnskapen som er tilgjengeleg. Føre-var-prinsippet vil difor ikkje vere aktuelt å nytte i dette tilfellet.

Økosystemtilnærming og samla belastning § 10

Pyntegrøntproduksjonen er lagt til innmark og kulturmark/beite. Når ein sikrar at det ikkje blir frøspreiing frå feltet, vil aktiviteten difor ikkje belaste noko økosystem ut over det som er tilfelle ved vanleg drift av innmark.

Kostnader ved miljøforringing skal berast av tiltakshavar § 11

Naturmangfaldlova § 11 inneber at tiltakshavar må ta naudsynte kostnader med å sikre at det ikkje blir spreidd frø frå feltet, og at det ikkje blir ståande tre att og vekse dersom drifta av ulike grunnar skulle bli lagd ned.

Miljøforsvarlege teknikkar og driftsmetodar § 12

Denne paragrafen inneber at ein skal vurdere driftsmetodar, lokalisering m.v. for å unngå eller avgrense skade på naturmangfaldet. Det skal gjerast ei samla vurdering av tidlegare, nåverande og framtidig bruk av mangfaldet og økonomiske tilhøve som gjev dei beste samfunnsmessige resultat. Tilplanting av innmark og kulturmark til bruk for pyntegrøntproduksjon er eit inngrep som er reversibelt. Når ein sikrar seg at feltet ikkje har spesielle verdiar knytte til kulturlandskapet, og ein sikrar seg mot frøspreiing, vil tiltaket ikkje ha vesentlege uheldige følgjer for naturmangfaldet.

Vedtak

Med heimel i naturmangfaldlova § 30 får Edgar Birger Hatlem med dette løyve til å setje ut pyntegrønt av artane kristtorn, blåkristtorn, vrihassel, laubærhegg, tuja og barlind på eigedomen i Hyllestad, gbnr 28/1 på følgjande vilkår:

1. Løyvet gjeld for 10 år frå dags dato.
2. Løyvet gjeld eigedomen gbnr 28/1, som er avmerkt i søknaden.
3. Dette løyvet skal takast vare på hjå tiltakshavar og grunneigar. Styresmakta som har tilsyn med tiltaket skal kunne kontrollere at vilkåra blir følgde og at utsetjinga er lovleg.
4. Den som har fått løyve etter forskrifta skal etablere og dokumentere internkontroll etter § 10 i forskrifta.
5. Dersom eigedomen blir overdradd til andre, pliktar eigar å informere ny grunneigar om løyvet og vilkår som er sett for å hindre spreiing.
6. Skraptre og liknande som ikkje kan nyttast i pyntegrøntproduksjonen, skal fjernast kontinuerleg.
7. Utsetjing på dyrka mark krev løyve til omdisponering frå kommunen.

8. Den ansvarlege for utsetjinga skal varsle Fylkesmannen dersom det oppstår skade, eller fare for alvorleg skade, på naturmangfald i samband med utsetjing eller drift av pyntegrøntproduksjonen.
9. Dersom drifta av ulike grunnar skulle ta slutt utan ordinær innhausting, skal grunneigar varsle styresmakta som har tilsynsansvaret. Dersom ikkje grunneigar ønskjer å rydde feltet sjølv, kan styresmakta som har tilsynsansvaret rydde feltet for grunneigar si rekning.
10. Dette løyvet kan opphevest eller endrast i samsvar med naturmangfaldlova § 67.

Klagerett

Vedtaket kan påklagast til Direktoratet for naturforvaltning innan 3 veker, jf. forvaltningslova. Ei eventuell klage skal sendast til Fylkesmannen.

Med helsing

Nils Erling Yndesdal
fylkesmiljøvernsjef

Hermund Mjelstad
seniorrådgjevar

Brevet er elektronisk godkjent og er utan underskrift

Kopi pr. e-post: Hyllestad kommune
Sabima
WWF